



Torah écrite (pentateuque) - Nombres

Chapitre 28

וַיְדַבֵּר יְהוָה, אֶל-מֹשֶׁה לֵאמֹר.

28,1

צוֹ אֶת-בְּנֵי יִשְׂרָאֵל, וְאָמַרְתָּ אֲלֵהֶם: אֶת-קִרְבְּנִי לַחֲמִי לְאִשִּׁי, רִיחַ נִיחָחִי, תִּשְׁמְרוּ, לִהְקִרִיב לִי בְמוֹעֲדוֹ.

28,2

וְאָמַרְתָּ לָהֶם--זֶה הָאִשָּׁה, אֲשֶׁר תִּקְרִיבוּ לַיהוָה: כְּבָשִׁים בְּנֵי-שָׁנָה תְּמִימִם שְׁנִים לְיוֹם, עֹלָה תְּמִיד.

28,3

אֶת-הַכֶּבֶשׂ אֶחָד, תַּעֲשֶׂה בְּבֹקֶר; וְאֶת הַכֶּבֶשׂ הַשֵּׁנִי, תַּעֲשֶׂה בֵּין הָעֶרְבִים.

28,4

וְעִשְׂיֹרִית הָאִיפָה סֹלֶת, לַמִּנְחָה, בְּלוּלָה בְּשֶׁמֶן זֵיתִית, רְבִיעֵת הֶהָיִן.

28,5

עֹלֹת, תְּמִיד--הַעֲשֵׂה, בְּהַר סִינִי, לְרִיחַ נִיחָח, אִשָּׁה לַיהוָה.

28,6

וְנִסְכּוֹ רְבִיעֵת הֶהָיִן, לַכֶּבֶשׂ הָאֶחָד; בִּקְדָּשׁ, הַסֶּךְ גֹּסֶךְ שֹׁכֵר--לַיהוָה.

28,7

וְאֶת הַכֶּבֶשׂ הַשֵּׁנִי, תַּעֲשֶׂה בֵּין הָעֶרְבִים: כְּמִנְחַת הַבֹּקֶר וְכִנְסָכוּ תַּעֲשֶׂה, אִשָּׁה רִיחַ נִיחָח לַיהוָה. {פ}

28,8

וּבְיוֹם, הַשַּׁבָּת--שְׁנֵי-כְבָשִׁים בְּנֵי-שָׁנָה, תְּמִימִם; וְשְׁנֵי עֶשְׂרִינִים, סֹלֶת מִנְחָה בְּלוּלָה בְּשֶׁמֶן--וְנִסְכּוֹ.

28,9

עֹלֹת שַׁבָּת, בְּשַׁבָּתוֹ, עַל-עֹלֹת הַתְּמִיד, וְנִסְכָּה. {פ}

28,10

וּבְרִאשֵׁי, חֳדָשִׁיכֶם--תִּקְרִיבוּ עֹלָה, לַיהוָה: פָּרִים בְּנֵי-בֹקֶר שְׁנִים וְאִיל אֶחָד, כְּבָשִׁים בְּנֵי-שָׁנָה שְׁבַעַת תְּמִימִם.

28,11

וְשִׁלְשָׁה עֶשְׂרִינִים, סֹלֶת מִנְחָה בְּלוּלָה בְּשֶׁמֶן, לָפָר, הָאֶחָד; וְשְׁנֵי עֶשְׂרִינִים, סֹלֶת מִנְחָה בְּלוּלָה בְּשֶׁמֶן, לְאִיל, הָאֶחָד.

28,12

וְעֶשְׂרֵן עֶשְׂרֹן, סֹלֶת מִנְחָה בְּלוּלָה בְּשֶׁמֶן, לַכֶּבֶשׂ, הָאֶחָד; עֹלָה רִיחַ נִיחָח, אִשָּׁה לַיהוָה.

28,13

וְנִסְכֵּיהֶם, חֲצִי הֶהָיִן יִהְיֶה לָפָר וְשִׁלִּישֵׁת הֶהָיִן לְאִיל וְרְבִיעֵת הֶהָיִן לַכֶּבֶשׂ--יֵין: זֹאת עֹלֹת חֹדֶשׁ בְּחֹדֶשׁוֹ, לְחֹדְשֵׁי הַשָּׁנָה.

28,14

וְשַׁעִיר עִזִּים אֶחָד לַחֹטָאֹת, לַיהוָה, עַל-עֹלֹת הַתְּמִיד יַעֲשֶׂה, וְנִסְכּוֹ. {ס}

28,15

וּבַחֹדֶשׁ הָרִאשׁוֹן, בְּאַרְבַּעַת עָשָׂר יוֹם--לַחֹדֶשׁ: פֶּסַח, לַיהוָה.

28,16

וּבַחֲמִשָּׁה עָשָׂר יוֹם לַחֹדֶשׁ הַזֶּה, חֹג: שִׁבְעַת יָמִים, מִצֹּת יֵאָכֵל.

28,17

בְּיוֹם הָרִאשׁוֹן, מִקְרָא-קֹדֶשׁ: כָּל-מְלֹאכֶת עֲבֹדָה, לֹא תַעֲשׂוּ.

28,18

וְהַקִּרְבָּתִם אִשָּׁה עֹלָה לַיהוָה, פָּרִים בְּנֵי-בֹקֶר שְׁנִים וְאִיל אֶחָד; וְשִׁבְעָה כְּבָשִׁים בְּנֵי שָׁנָה, תְּמִימִם יִהְיוּ לָכֶם.

28,19

וּמִנְחָתָם--סֹלֶת, בְּלוּלָה בְּשֶׁמֶן: שְׁלֹשָׁה עֶשְׂרִינִים לָפָר, וְשְׁנֵי עֶשְׂרִינִים לְאִיל--תַּעֲשׂוּ.

28,20

עֶשְׂרֹן עֶשְׂרֹן, תַּעֲשֶׂה, לַכֶּבֶשׂ, הָאֶחָד--לְשַׁבְּעַת, הַכְּבָשִׁים.

28,21

וְשַׁעִיר חֹטָאֹת, אֶחָד, לַכֹּפֶר, עֲלֵיכֶם.

28,22

מִלֵּבַד עֹלֹת הַבֹּקֶר, אֲשֶׁר לְעֹלֹת הַתְּמִיד--תַּעֲשׂוּ, אֶת-אֵלֶּה.

28,23

בְּאֵלֶּה תַעֲשׂוּ לְיוֹם, שִׁבְעַת יָמִים--לָחֶם אִשָּׁה רִיחַ נִיחָח, לַיהוָה; עַל-עֹלֹת הַתְּמִיד יַעֲשֶׂה, וְנִסְכּוֹ.

28,24

וּבְיוֹם, הַשְּׁבִיעִי--מִקְרָא-קֹדֶשׁ, יִהְיֶה לָכֶם: כָּל-מְלֹאכֶת עֲבֹדָה, לֹא תַעֲשׂוּ. {ס}

28,25

וּבְיוֹם הַבְּכוּרִים, בְּהַקְרִיבְכֶם מִנְחָה חֹדֶשָׁה לַיהוָה--בְּשִׁבְעַתֵּיכֶם: מִקְרָא-קֹדֶשׁ יִהְיֶה לָכֶם, כָּל-מְלֹאכֶת עֲבֹדָה לֹא תַעֲשׂוּ.

28,26

וְהַקִּרְבָּתִם עֹלָה לְרִיחַ נִיחָח, לַיהוָה--פָּרִים בְּנֵי-בֹקֶר שְׁנִים, אִיל אֶחָד; שִׁבְעָה כְּבָשִׁים, בְּנֵי שָׁנָה.

28,27

וּמִנְחָתָם--סֹלֶת, בְּלוּלָה בְּשֶׁמֶן: שְׁלֹשָׁה עֶשְׂרִינִים, לָפָר הָאֶחָד, שְׁנֵי עֶשְׂרִינִים, לְאִיל הָאֶחָד.

28,28

עֶשְׂרֹן, עֶשְׂרֹן, לַכֶּבֶשׂ, הָאֶחָד--לְשַׁבְּעַת, הַכְּבָשִׁים.

28,29

שַׁעִיר עִזִּים, אֶחָד, לַכֹּפֶר, עֲלֵיכֶם.

28,30

מִלֵּבַד עֹלֹת הַתְּמִיד, וּמִנְחָתוֹ--תַּעֲשׂוּ; תְּמִימִם יִהְיוּ-לָכֶם, וְנִסְכֵּיהֶם. {פ}

28,31



Voyons plus clair

Une mise en perspective des grandes thématiques de l'actualité à la lueur de l'érudition juive véritable.

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions